



## მ ე მ თ რ ა ნ დ უ მ ი

სსიპ სამცხე-ჯავახეთის სახელმწიფო უნივერსიტეტისა და სსიპ საქართველოს  
სოფლის მეურნეობის მეცნიერებათა აკადემიას შორის ურთიერთთანამშრომლობის  
შესახებ

ქ. ახალციხე

, „19“ - 02 - 2016 წელი

ერთის მხრივ, სსიპ სამცხე-ჯავახეთის სახელმწიფო უნივერსიტეტი (შემდგომში - „უნივერსიტეტი“) წარმოდგენილი რექტორის, პროფესორ მერაბ ბერიძის სახით და მეორეს მხრივ, სსიპ საქართველოს სოფლისმეურნეობისმეცნიერებათა აკადემია (შემდგომში - „აკადემია“), წარმოდგენილი პრეზიდენტის, აკადემიკოს გურამ ალექსიძის სახით, ისწრაფვიან რა, ურთიერთობის განვითარებისა და განმტკიცებისაკენ, მხედველობაში იღებენ საგანმანათლებლო თანამშრომლობაში ორმხრივ დაინტერესებას და სამეცნიერო პოტენციალის სრულად გამოყენების შესაძლებლობას ახალგაზრდა თაობების განათლების სფეროში, საქართველოში მოქმედი კანონმდებლობისა და მხარეთა უფლებამოსილების ფარგლებში დებენ წინამდებარე „ურთიერთთანამშრომლობის შესახებ“ მემორანდუმს შემდეგზე:

### მუხლი 1

#### 1.1. მემორანდუმის მიზანია:

1.1.1. აკადემიას და უნივერსიტეტს შორის თანამშრომლობა მეცნიერებისა და განათლების სფეროებში;

1.1.2. აღნიშნული თანამშრომლობის განხორციელება საერთო ინტერესებისა და თანაბარი ურთიერთობათა საფუძველზე;

1.1.3. საქართველოში სოფლის მეურნეობის განვითარების ხელშეწყობა;

1.1.4. პიროვნების ინტერესებისა და შესაძლებლობების შესატყვისი უმაღლესი განათლებისმიღების, კვალიფიკაციის ამაღლებისა და გადამზადების მოთხოვნათა დაკმაყოფილება;

1.1.5. თანამედროვე მოთხოვნათა შესაბამისი კომპენტენციის მქონე აგრარული მიმართულების სპეციალისტების მომზადება, რაც უზრუნველყოფს მათ კონკურენტუნარიანობას შიდა და საგარეო ბაზარზე;

1.1.6. მჭიდრო თანამშრომლობა სამეცნიერო-კვლევითი და საკონსულტაციო საქმიანობის განსახორციელებლად;

1.1.7. მხარეების ერთობლივი მონაწილეობა პროექტებსა და პროგრამებში;

1.1.8. პროფესორ-მასწავლებელთა და ახალგაზრდა მეცნიერთა საზღვარგარეთის მოწინავე სამეცნიერო და სასწავლო დაწესებულებებში მივლინების ხელშეწყობა.

1.2. მემორანდუმის მიზნის განსახორციელებლად მხარეები ერთობლივად უზრუნველყოფენ:

1.2.1. ღონისძიებების გამართვას აგრარულ დარგში ახალგაზრდა პერსპექტიული კადრების მომზადების მიზნით;

1.2.2. სამეცნიერო-კვლევითი პროგრამების განხორციელების მიზნით ერთობლივი სამეცნიერო სიმპოზიუმის, კონფერენციებისა და სემინარების ორგანიზებას;

1.2.3. სამეცნიერო-კვლევითი შრომების პოპულარიზაციას უნივერსიტეტში და აგრეთვე, მის პარტნიორ უნივერსიტეტებში;

1.2.4. აკადემიის თანამშრომელთა საჯარო ლექციების წაკითხვას უნივერსიტეტში;

1.2.5. მოქმედი კანონმდებლობის შესაბამისად, სამეცნიერო ურთიერთობის დამყარებას მსოფლიოს შესაბამის უნივერსიტეტებთან და სამეცნიერო დაწესებულებებთან ერთობლივი საერთო კვლევებისა და სამეცნიერო პროექტების შესასრულებლად;

1.2.6. აკადემიის მიერ რეკომენდებულ სამეცნიერო კვლევის განხორციელებას სამცხე-ჯავახეთის რეგიონში მაგისტრებისა და დოკტორანტების მიერ;

1.2.7. მხარეები ითანამშრომლებენ სტუდენტთა თანამედროვე პროგრამებით მომზადებისა და კვალიფიკაციის დონის ამაღლების მიმართულებით;

1.2.8. დამუშავებული პროექტებისა და ინოვაციური ტექნოლოგიების რეკლამირება მასობრივი საინფორმაციო საშუალებების გამოყენებით;

1.2.9. აგრარულ სფეროში აქტუალური პრობლემების გადაწყვეტისათვის ერთობლივი შემოქმედებითი ჯგუფების ჩამოყალიბებას და მათი მუშაობის ორგანიზებას.

### **1.3. უნივერსიტეტი უზრუნველოფს:**

- 1.3.1. აუდიტორიებისა და საკონფერენციო დარბაზების გამოყოფას აკადემიის მიერ დაგეგმილი ღონისძიებების ჩასატარებლად;
- 1.3.2. აკადემიის თანამშრომლების საბიბლიოთეკო ფონდით სარგებლობას;
- 1.3.3. უნივერსიტეტში აკადემიის თანამშრომელებისათვის სამუშაო პირობების შექმნას.

### **1.4. აკადემია უზრუნველყოფს:**

- 4.1. უნივერსიტეტის აგრარული მიმართულების მაგისტრებსა და დოქტორანტებს აკადემიის სამეცნიერო ბიბლიოთეკით სარგებლობას სამეცნიერო - კვლევითი და თეორიული სამუშაოების შესასრულებლად;
- 4.2. მაგისტრებსა და დოქტორანტების სამეცნიერო ხელმძღვანელობას;
- 4.3. ტრენინგებისა და სემინარების ჩატარებას ახალგაზრდა მეცნიერების, მაგისტრანტებისა და დოქტორანტებისათვის;
- 4.4. გამოცდილების გაზიარებას თანამედროვე მეთოდების, სამეცნიერო მიღწევებისა და ინოვაციური ტექნოლოგიების სფეროში.

### **მუხლი 2**

მემორანდუმის ფარგლებში ურთიერთთანამშრომლობის კონკრეტული მიმართულებები და პირობები შეიძლება განისაზღვროს მემორანდუმის საფუძველზე გაფორმებული ხელშეკრულებებით.

### **მუხლი 3**

წინამდებარე მემორანდუმის შესრულებასა და განმარტებასთან დაკავშირებული სადაც საკითხები გადაიჭრება მოლაპარაკებების გზით, წინააღმდეგ შემთხვევაში მოქმედი კანონმდებლობის შესაბამისად.

### **მუხლი 4**

მემორანდუმში ცვლილებებისა და დამატებების შეტანა შესაძლებელია მხარეთა შეთანხმებით, რომელიც შესრულებული უნდა იქნეს წერილობითი ფორმით.

### **მუხლი 5**

მემორანდუმი შედგენილია ქართულ ენაზე თანაბარი იურიდიული ძალის მქონე ორ ეგზემპლარად და ინახება მხარეებთან.

## მუხლი 6

წინამდებარე მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ სხვა გადაწყვეტილების მიღებამდე. მემორანდუმის შეწყვეტის შესახებ შეთანხმება შესრულებული უნდა იქნეს წერილობითი ფორმით. მემორანდუმის ცალმხრივად შეწყვეტის ინიციატორი მხარე ვალდებულია ამის შესახებ გონივრულ ვადაში წერილობით აცნობოს მეორე მხარეს.

სსიპ სამცხე-ჯავახეთის  
სახელმწიფო  
უნივერსიტეტი  
ახალციხე, რუსთაველის ქ. N106

სსიპ საქართველოს სოფლის  
მეურნეობის მეცნიერებათა  
აკადემია  
0102, თბილისი, ივ.  
ჯავახიშვილისქ. N51

